




Die XIX. Julii. In Festo S. Vincentii à Paulo Confes.


[S.I.], [ca. 1770]

urn:nbn:de:hbz:466:1-62816









Die XIX. Julii.

IN FESTO

S. VINCENTII à PAULO CONFES.

Duplex.

Omnia de com. Conf. non Pont. præter seq. In Hymn. Iste Confessor. mut. tert. Vers. Oratio.

DEUS, qui ad evangelizandum pauperibus, & Ecclesiastici Ordinis decorem promovendum, beatum Vincentium Apostolică virtute roborâsti; præsta quæsumus, ut cujus pia merita veneramur, virtutum quoque instruamur exemplis. Per Domin.

Lectiones I. Noct. de Script. occ. IN II. NOCTURNO.

Lectio IV.

Vincentius à Paulo Natione Gallus, Podii non procul ab Aquis Tarbellis in Aquitania natus, jam tum à puero eximiam in pauperes charitatem præsetulit. A custodia paterni gregis ad literas evocatus, humanas Aquis, divinas cum Tolosæ, tum Cæsar-Augustæ didicit. Sacerdotio initiatus, ac Theologiæ laureâ insignitus, in Turcas incidit, qui captivum in Africam abduxerunt; sed in captivitate positus herum ipsum Christo rursus lucrifecit. Cum eo igitur ex barbaris oris, opitulante Deiparâ sese proripiens, ad Apostolica limina iter instituit; unde

in

)(

12

is

in Galliam reversus Clippiaci primum, mox Castellionis Parœcias sanctissimè rexit. Renuntiatus à Rege primarius Sacrorum Minister in Galliætriremibus, mirum, quo zelo, & ducum & remigum saluti operam posuerit. Monialibus Visitationis à Sancto Francisco Salesio præpositus, tanta prudentia per annos circiter quadraginta eam curam sustinuit, ut maximè comprobaverit judicium Sanctissimi Præsulis, qui sacerdotem Vincentio digniorem nullum se nosse fatebatur.

4. Honestum &c.

Lectio V.

L'vangelizandis pauperibus, præsertim ruricolis, ad decrepitam usque ætatem indefessus incubuit, esque apostolico operi tum se, tum alumnos Congregationis, quansub nomine Presbyterorum sæcularium Missionis instituit, perpetuo voto à Sancta Sede confirmato speciatim obstrinxit, Quantum autem augendæCleri disciplinæ allaboraverit, testantur erecta majorum ClericorumSeminaria: collationum de divinis inter Sacerdotes frequentia, & sacræ ordinationi præmittenda exercitia; ad quæ, sicut & ad pios laicorum secessus, instituti sui domicilia libenter patere voluit. Insuper ad amplificandam fidem, & pieratem, evangelicos misit Operarios, non in solas Galliæ Provincias, fed

fed & in Italiam, Poloniam, Scotiam, Hyberniam, atque ad Barbaros, & Indos. Ipfe verò, vità functo Ludovico decimo tertio, cui morienti hortator adfitit, à Regina Anna Austriaca matre Ludovici decimi quarti in Sanctius Concilium accitus, studiosissimè egit, ut nonnisi digniores Ecclesiis, ac Monasteriis præsicerentur: civiles discordiæ, singularia certamina, serpentes errores, quos simul sensit, & exhorruit, amputarentur, debitáque judiciis Apostolicis obedientia præstaretur ab omnibus. R. Amavit eum &c.

Lectio VI.

Jullum fuit calamitatis genus, cui paternè non occurrerit. Fideles sub Turcarum jugo gementes: infantes expositos: juvenes dyscolos: virgines periclitantes: moniales dispersas: mulieres lapsas: ad triremes damnatos: peregrinos infirmos: artifices invalidos: ipfósque mente captos, ac innumeros mendicos subsidiis, & hospitiis, etiamnum superstitibus excepit, ac piè fovit. Lotharingiam, Campaniam, Picardiam, aliásque regiones peste, fame, bellóque Vastatas prolixè refecit. Plurima ad perquirendos & sublevandos miseros Sodalicia fundavit; inter quæ celebris Matronarum cœtus, & latè diffusa sub nomine charitatis Puellarum Societas: Puellas quoque tum de Cru-

ce, tum de providentia, ac Sanctæ Genovefæ ad fequioris sexús educationem erigendas curavit. Hæcinter, & alia gravissima negotia Deo jugiter intentus, cunctis affabilis, ac fibi femper constans, simplex, rectus, humilis, ab honoribus, divitiis, ac deliciis semper abhorruit; auditus dicere: rem nullam fibi placere, præter-quam in Christo Jesu, quem in omnibus studebat imitari. Corporis demum afflictatione, laboribus senióque attritus, die vigesima septembris anno salutis supra millesimum s'excentesimo sexagesimo, ætatis suæ octogesimo quinto, Parisiis in domo Sancti Lazari, quæ caput est Congregationis Missionis, placide obdormivit: quem virtutibus, meritis, ac miraculis clarum Clemens duodecimus inter Sanctos retulit, ipfius celebritati die decimâ nonâ Mensis Julii quotannis assignata.

B. Iste homo &c.

IN III. NOCTURNO.

Homil. S. Gregorii Papæ in Evangel. Defignavit Dominus. ùt in communi Evang.

w. VII. Iste est &c.

w. VIII. Sint lumbi &c.

Missa. Justus ut palma florebit. Evang. ut in Festo S. Ignatii 31. Julii.

以此

